

Bingzgvei Gih Bang Banh Lawh Banh Cukmaenh Diuz Giuz Minzczu Doxgiet

Hocouh Si Bingzgvei Gih aeu couqmaenh gij eiqsik caezcaemh Cunghvaz Minzczu guh sienqmeh bae guh hong youqgaenj, guh ndei cwngvu fugsah, cauhoq vunqsik fugsah, daegbied cwngvu fugsah guh ndaej engq fuengbienh, gauhyau, diepsim, mizyauq coihaeuj minzczu doxgiet baenaj.

Bang banh lawh banh fugsah ndei giyez ginzcung “aen goengleix doeklaeng”, youq dieg de yungh ndaej lai, doigvangq ndaej gya. Youq aen ding cwngvu hai “aen cueng bang banh lawh banh”,

vih giyez ginzcung bang banh lawh banh, camcaz dazyinx daengj fugsah raeujsim haenx. Gij vunqsik fugsah neix mboujdan hawj giyez ginzcung noix buet bae buet dauq, lij daezsang gij yauqlwd banh saeh, hawj giyez ginzcung youq ndaw cwngvu fugsah fuengbienh haenx gamjsouh daengz gij raeujsim Cunghvaz Minzczu ranz vunz ndeu. Gij hong bang banh lawh banh gveihfanva, byauhacunja, lingzvued gaemguenj caiqlij hableix baenboiq gij seizgan banhleix, bang giyez ginzcung engq ndei sug

gij cwngcwz mizgven, hableix bwh caizliuh saenbauq, bienq giyez ginzcung “baedauq buet” baenz lawh banh fugsah “cieplig banh”, maedsaed daezsang hingzcwng saemjbae giyez haibanh, baecinj gaihuq, ndaepsiu ngaih daengj hong guh ndaej engq vaiq. Bineix doxdaeuj, Bingzgvei Gih aen doih bang banh lawh banh gungh bang banh lawh banh le 1950 gienh saeh, cienzngaenz cawqcek miz 4959.5 fanh maenz ngaenz.

(赵万隆/Cau Vanlungz)

Yungzsuij Guh Hozdung Gwnz Raemx Mizyinx Hoh Fungsou

8 nyied 19 hauh, Liujcouh Si Yungzsuij Myauzczu Swciyen Vanghdung Yangh Mbanj-liuhoz youq gwnz raemx guh hozdung mizyinx. Gyoengq vunzmbanj youq gwnz raemx naenghcag, guh daizloih caeuq ciengj duzbit daengj hozdung, yiengjsouh gij haengjheiq yindung, angqhoh fungsou.

(龙涛/Lungz Dauh)

► Mehmbwk Myauzczu doxcomz eu fwen.
Lungz Dauh ingj



▲ Lanzgiuz doxdax song doih doxdingj. Veiz Loz ingj

“Sanhyinhbeih” Gvangjsih Lanzgiuz Lenzsai Bi 2024 Youq Nanzdanh Haiguh

8 nyied 23 hauh, “sanhyinhbeih” Gvangjsih lanzgiuz lenzsai bi 2024 youq Hozciz Si Nanzdanh Yen haiguh. Nanzdanh banh lanzgiuz doxdax, vih gyoengq vunz gyaenz lanzgiuz Gvangjsih daezhawj aen bingzdaiz gyauhliuz ndeu. Daihgya aeu doxdax gap

baengzyoux, doxbeij gisuz dwkgiuz, gaenxmaenx coicaenh daengx biengz lienhdang, hawj vunz lai gag rox, gag maij lienhdang, daezsang ndangdaej suciz, doidoengh saehnieb dijuuz Nanzdanh hwngfat hoenghhwd.

(韦乐/Veiz Loz)

Yinhcwngz: Makit Ndaej Sou Nyaengq Mbit Mak

Mwhneix, cingq dwg mwh makit baenz gwn baenz gai, doengh aen suen makit Laizbinh Si Yinhcwngz Yen Ouhdung Yangh Mbanjlijmyauz daengz seiz fungsou lo. Vunzmbanj dangdieg nyaengq bae mbit mak, bae hawciengz gai mak. Yinhcwngz Yen doigvangq

byauhacunja ganqung caeuq hwnqguh aen suenmak yietnaiq guhcaemz haenx, haenqrengz hwngfat bungzraeuj ung go makit, aeu canjnieb iq guh’ok hwngfat hung, yungh makit iq roix ok aen loqsiengj lajmbanj saenq-hwng.

(樊绍光/Fanz Saugvangh)



▲ Gojnungz youq ndaw suenmak mbit makit.

Fanz Saugvangh ingj